



DEO OPTIMO MAX.

UNI ET TRINO,

VIRGINI DEI-PARÆ, ET S. LUÆ,
Orthodoxorum Medicorum Patrono.

QUÆSTIO MEDICO CHIRURGICA,
QUOD LIBETARIIS DISPUTATIONIBUS,
*manè discutienda in Scholis Medicorum, die Martis quindecimā
mensis Martii. An. Domini M. DCC. LXVIII.*

M. JOANNE - ARMANDO ROUSSIN DE
MONTABOURG, Scholarum Professore,
Doctore Medico Præsidente.

An ad extrahendum Calculum dissectanda ad pubem Vesica?

I.



ALCULUS, qui vesicam diris divexat
cruciatibus, eâ dissectâ quàm primum eximen-
dus est, omni ætate, quâvis anni tempestate,
posthabitâ etiam Cœli ratione. Optandum
ut atteri & comminui ille posset, atque uri-
næ effluentis impetu excerneretur: at cum nihil extet, quod

* M. Nicolai Pietre, ann. 1635.

id præstare valeat, una vesicæ sectio calculo laboranti opitulari & subvenire potest. Propterea Dei, hominum salutis studiosissimi, singulari consilio, uni omnium animantium homini, ex alvi sinu extat vesica; & cum superiore, tum inferiore sui parte quasi foras prodit, ut ita exposita faciliè disseccari posset in hominis solatium.

I I.

HOMINI duntaxat appensa vesica est peritoneo, eo-
que duplicato quasi sacco concluditur; unde cæ-
teris visceribus illæsis, abdominis etiam cavo integro &
intacto, cædi tutò in pube potest: mediâ sui parte de-
missa subter pubis ossa, cervice suâ perineum attingit;
fundo verò, ad pubem imam ventris partem elato, ea
ipsa pubis ossa superat digitos ferè tres, ut cathetere pau-
lulum incurvo attolli possit in pube ad sectionem æquè
commode ac in perinæo. Venis, ab Hypogastricâ pro-
deuntibus, perfusa est plurimis, ut licet substantia omninò
membranosa sit, cæsa tamen coeat faciliè & sanescat, non
cervice potius quàm aliâ quâvis sui parte; nimirum san-
guine ad quasque divisas illius partes peræquè appel-
lente, easque glutinis instar connectente: præter adipem
plurimum, qui privatâ & suâ consistentiâ, non partis cujus
vis frigore, concrevit. Obtenduntur vesicæ, tum tendines
membranosi muscutorum abdominis, tum pyramidales
musculi, qui ad ejus fundum coeunt, at, imâ suâ parte
discreti, quasi designant & notant sectionis locum, si
fortè disseccanda in pube sit vesica.

I I I.

DISSECANDÆ ad pubem vesicæ, & ex eâ calculi
eximendi ratio perfacilis est, minimùmque operosa:
Chirurgi manus in id erudita, suis pollens viribus, hoc
opus omne administrat & peragit. Ecce, ægro supino

jacente, diductis cruribus, eisque vinculo devinctis, cathetere leviter ad imo inflexo, & aversâ sui parte eâque incurvâ rescisso, attollitur vesica, & cultello, exactâ acie, dissecatur ad fundum usque amplo & patente vulnere; tum amovetur catheter, & Chirurgi manûs alterutrius digitis quasi oculatis in vulnus inditis, lustrantur vesicæ regiones omnes, & deprehensus calculus nullo negotio properè & celeriter extrahitur. Si vesicæ ille adhæreat, eliso digitis glutine, nullâ vi avellitur; quin si enata membrana sinum vesicæ faciat geminum, & calculum contineat, is, tenui forcipis ictu discissâ membranâ digitis etiam educitur, atque hâc arte nec divelletur discerpetur ve vesica, nec omninò aut minimum contundetur, quod in vulneribus vesicæ potissimum est.

I V.

DISCISSA tantùm vesicâ levioris momenti vulnushabetur & est. In urinæ angustis quotusquisque dissectus fuit nullo vitæ discrimine? At unâ cum vulnere si collisa fuerit vesica, deterius jam vulnus est & sæpius lethale. Ut vesicifecæ Chirurgi calculi extractionem molientis præcipua laus sit, non solum curare ut expedita sit sectio & dolore minimo peragatur, sed imprimis studere, ut nullo periculo, nullo vesicæ damno, calculus educatur, geminum illud est, alterutrum vel utrumque si affuerit, consequetur inflammatio brevi extinctura tenuem vesicæ calorem.

V.

VESICA ad pubem incisâ, si plures subsint calculi omnes extrahentur, nec ullus superesse poterit. Sanguinis grumi, qui dum morantur, gravissimos invehunt affectus, unâ cum urinâ per ductum urinarium facillè elabentur: vulnus urinâ non proluetur, quod ad vesicæ dis-

cissæ unitiōnem accelerandam facit plurimum; ita verò subiectum oculis vulnus est, ut & illius & vesicæ vulneratæ Chirurgo omnis explorata futura sit ratio. Liberabitur æger tubulo illo qui in vulnus quamprimùm immitti solet, rurundâ etiam omni prælongâ, quæ duo cum adhibentur dolorem movent non levem, diathesin inflammatoriam foveant quietem ferè omnem adimunt: nec fordebit ille immundâ illuvie, namque & alvi onus pelvi, & urina matulâ commodè excipietur, licebit & mutare situm, modòque in dextrum modò in sinistrum latus, gratâ vice, decumbere. Uno verbo curatio longè facilior, & certior multò sanationis spes erit.

*Ergò ad extrahendum Calculum diffecanda ad pubem
Vesica.*

DOMINI DOCTORES DISPUTaturi.

*M. Petrus-Joannes-Clau-
dius MAUDUYT DE LA
VARENNE.*

*M. Joannes - Armandus
ROUSSIN DE MON-
TABOURG, Scholarum
Professor, ætius Præses.*

*M. Bernardus DE JUS-
SIEU, Regi à Consiliis
& Secretis, Regia Scien-
tiarum Academiæ, Re-
giæ Societatis Londi-
nensis & in Horto Re-
gio Botanices Prode-
monstrator.*

*M. Stephanus D'HU AUME,
Scholarum Professor de-
signatus.*

*M. Natalis - Nicolaus
MALLET.*

*M. Guillelmus Josephus
DEL'EPINE, Antiquus
Facultatis Decanus.*

M. Josephus DUSSANS.

*M. Franciscus Ludovicus
THOMAS D'ONGLE.*

*M. Ludovicus Hieronymus
COSNIER.*

Proponēbat Parisiis, DOMINICUS JOANNES-BAPTISTA DE LA BICHE
Parisiensis, Saluberrimæ Facultatis Parisiensis Baccalaureus,
A. R. S. H. 1768. A SEXTA AD MERIDIEM.

Typis QUILLAU, Universitatis & Facult. Med. Typographi, 1768.